

HELĒ KUPEPSIK LĒKEN EKALĒIMĒ TOP ĒTĪ KOM UPI TOPONPĒ PĒK

8 poinē 29 mart 2012 pona

ĒITE NAPSİK RAP PĒKĒN KOM ĒHALĒ TOPONPĒ

RAP tom kuntēm Palumē uputpēme ěnikjamkom menkatohme. Tunak watalĭtom, ituponokom, wewetom malalē tēpēlamo. Mēlē katĭp kunemaminum tot lo hahkatohpo Kalaiwalon ekatau.

Sin lo man akēlephak malalē man imelekalale.

Mēle Surinam lon.

Sin lo po man 16 me tĭwe tĭwe ituhtau eitop ēhekatĭpĭla. Tĭwēlen po tĭwe wewetom, tĭwēlēn po tĭwe sihnahtom malalē ilomonme ĭpi tom kawē mēisnē la lome tĭwēlenpo kawē 780 meiter ĭpi tom.

RAP tom kuntēm 4 me patatom pona

1. Palumē uputpēme tuna amahom apsik lome kopēme aptau tĭhnēlē tupke tētihe malalē ituhtailē tikunai asimhak mēje tuna etpitailē lo kawēkawē ituhtalē ĭpĭtom tēpuhpe malalē ituhtailē lo pulapulam malalē tēputom kahwēnotompēk ituhpe mēje helē ĭpohnēptop ametajeinē mĭtējai aktuhtona aptau kawēna katĭp mĭtējai mēlēkatĭp man mēje eitop Palumē uputpēme 270 meiter kawē lo eitop tunapeptapēk.
2. Helē lo hahkatop lotĭp ĭpi ehēt Meutēhpa helē kawēnma tĭmaikĭptēi ejahe ĭpi 800 meiter kawē iweitop malalē tēnei ejahe ĭpĭpo kawē tēputom wewetom ekutom enepohak kankom tēnei ejahe helēpo ētikompalēmālē ituhtau awoname kolela itu awonamehapon lēken ituhtau eitop malalē ĭpĭtom awoname pajahpelēken kopĭnme malalē lo hamunme lēken ituhtau eitop helē.
3. Makulutu amat man Palumē uputpēme Palumē tuna ētamatsahkatop helē Makulutu amat, malalē kopē me aptau tĭnēlēnma tikunai ituhtailē.
4. Palumē tuna ailē man tēpu ehēt Kasikasimē tēpu man pēhkēnatpē lēken lome man helē tēpu peptame malalē kawē iweitop 700 meiter uhpolo. Helē lome helē katĭp

lēken tĭmaikĭptēi ejahe uhpolep kawē iweitop. kawē lo eitop 200 meiter tuna pepte pēk kawē ĭpĭpo tēweihamo wewetom ěmēmĭla tupke tuna aptau kasikasimē tēpupēk awoname ētikompalēhpe ĭpēk ekutom enepokakankom wewehpe huwa

HELĒ TOHME RAP TĒMAMINE EITOPON PĒ

Surinam lon po tēweiham helē lo akuwinpĭ itumehlēken tēweiham helē lo po.

Helē lo man tĭkulunmaihe akuwinpĭ me iwesike, wewetom, tunatom. Helē man iloptailē Surinam pono kom moja malalē ĭpajamonpĭ kom moja wantē aptau. Malalē man iloptailēhnē Surinam lon ekatalĭ tom moja. Iloptailon helē tuna lo itu huwa helēkom ohanē matop ĭpokela. Masike helē itu lo malē man tĭpĭne talankom man helē itu tuwalēla masike mantot helē ituhtalĭtom malē imenkahe ēhmelē enehe tuwalē eitohme.

RAP toman ētikom palē enehe man tot ēhmelē mēnimenketot tamanu sipĭnanĭpĭjatēu itu ēhmelē kulonkom tĭkai.

HELĒ TUPITPĪ TOM MALALĒ ENETPĪ TOM EKALĒ TOP

Sin enelihtau man tēnei ejahe kolepsik imelekapĭntom ētikom kaliponotom ěnimelekalale eitop.

Malalē man tēnei ejahe mēle ituhtau ěnikjamkom tĭwēlenpo imna eitop lome molo lēken ispe.

Malalē man tuna molo ĭpok mēisnē masike tĭwetĭwēlēn katom mohpe. Malalē ĭpokan tuna malalē iloptailē tēweihamo helē tuna tom.

Malalē imelekalale eitop tom helē kaliponotom ěnimelekalale eitop. Mēlē

katĭp man enehan mēkja nenetpĭ. Malalē man ispe 50

uhpolo tĭwētĭwēlēnkom enelale eitop masike ihjan.

Mēlē katĭhman katom 11 me tēnei ejahe, 6 me pēlētom malē , 1 me ēkēi. Malalē kolenma akinme mĭphak hapon tēnei ejahe tĭwe tĭwēlēn tēweihamo.

Masike RAP tom mēnke helē kom man iloptailē tuna tom malalē itu tom Surinam lon po.